

史記



批註 史記

大達圖書供應社刊行

批註史記序

清光緒間。武昌張先生。校刻歸方平點史記於楚中。學者多葆之。先生讀史功最深。嘗手寫四通。夜起盡一燭。乃達旦。其後桐城吳先生。有點勘本。沒後行於世。余家舊有張刻本。吳先生以之贈先吏部公者。余固好是書。讀之三十餘年矣。冬春寒燠蚤莫不去手。舟車顛頓臥起不輟息。視天下清娛幽曠超豁之境。無以易其樂。愁憂矜悅感憤不聊之况。非足無以輸其情。以爲極古今文事雄偉奇譎之能。而一出以高絮縱宕者。莫史記若也。自周秦以來。百家並樹。其文章光潤宙合。爲世所欽慕。類皆各不相襲。成一家言。嚴幾道先生。譯歐西先進論著。亦多起是時。蒙嘗以爲天地祕籥之氣。自茲駿發。無間西東者。蘇子由謂史公。周覽天下名山川。故其文疏宕有奇氣。蒙獨以爲必有過人之天賦。然後縱極其材力之所到。而又加以盤錯詰屈。人事倣擾。使不得快意於其身。如是者蓄之愈久。則發爲文者。乃能窮瑰麗之觀。更千百世亦莫與能並。非第

資山川游放。得寓其奇也。人壽率不過百年。或數十年耳。其間欣戚得喪。榮瘁菀枯。萬不齊一。而拂鬱幽憂動於內。契闊生死鑠其精。事往情遷。徘徊躑躅。恆冤苦而不能已於言。使有一境焉。憚緩其中腸。寫仿其牢落。豈非天地間至可寶愛之物乎。今學子爭研物質之化矣。鏡交光而相顯。磁引針而聲流。千里可與晤言。百丈可以飛駛。舉凡前代所斥爲怪誕不經之事。胥徵實行。使有篤古如武昌桐城兩先生。新知如嚴氏之譯著。操觚濡翰。勒爲奇書。使後之覽觀者。精神意氣。恍接一堂。亦人世之至樂也。此書自歸方外間。附諸名家評隲。竊不遜贅語篇末。未必有當也。學人必澄思息慮。冥造單微。審其篇第局布之恢張。與夫抑揚節奏之高下。旁徵側睨之橫恣。虛邪翫索以探其趣。長吟遠諷以暢其聲。然後取前人批卻啓竅者。一印之以心焉。庶乎可與論文也歟。

乙亥九月桐城葉玉麟序。

生不知其名。字之曰道。黃帝老子。遵崇斯序。游俠則退處士。而進姦雄。游俠謂輕死重氣。如荆軻。讓之聲也。游從也。行也。俠挾也。持也。言能相從。游行挾持之事。又曰。同述貨殖。貨物滋生也。言則崇勢利而羞賤貧。利之人。此其所蔽也。是非曰俠。姦雄姦猾雄豪之人。述貨殖。貨物滋生也。言則崇勢利而羞賤貧。利之人。此其所蔽也。此三者是司馬然自劉向揚雄博極羣書。皆稱遷有良史之才。服其善序事理。辨而不華。實而不俚。劉德曰。俚。即野也。謂詞不鄙樸。其文直其事核。不虛美。不隱惡。故謂之實錄。駟以爲固之所言。世稱里之語。則俚亦野也。崔浩云。世有鄙其當論。司馬遷史記是非。世人稱班固之言。雖時有紕繆。紕音匹之反。紕猶錯也。亦作紫字。實勒成一家。編勒成一家之書矣。總其大較。較猶言大略也。較音角。較猶略也。則大信命世之宏才也。按孟子云。五世者也。趙岐曰。名世次聖之才。物來能名。此言命考較此書。文句不同。有多有少。莫辯其實。而世之惑者。定彼從此。是非相質。眞僞舛雜。定彼從此。本更相貿易。眞僞難亂。不能辯其是非。故中散大夫東莞徐廣。研核衆本。爲作音義。作音義十三卷。裴具列異同兼述訓解。徐作音義。具列異同。兼述訓解。釋也。粗有所發明。而殊恨省略。恨其所撰太省略也。而省音山。景反。聊以愚管。小也。然此語本出莊子。文今云。愚管者是。駟謙言己愚陋。管見增演徐氏。裴演音羊。善反。增益也。言采經傳百家并先儒之說。採諸子百家。兼取所識不能遠大也。增演徐氏。裴演音羊。善反。增益也。言采經傳百家并先儒之說。採諸子百家。兼取先儒之義。先儒謂孔安國鄭玄服虔賈逵等是也。言百家廣其非一。豫是有益。悉皆抄內。記盡抄內其中抄音楚。交反。刪其游辭。取其要實。諸家浮游之辭。取其精要之實。傳或義在可疑。則數家兼列。理致生疑惑。不敢偏舉。故皆兼列。漢書音義稱臣瓚者。莫知氏姓。軍誅死。按傳瓚。而劉孝標以爲于瓚非也。據何法盛晉書。于瓚以穆帝時爲大將。西晉非于所見也。必知是傳瓚者。按穆天子傳。目錄云。傳瓚爲校書郎。與荀勗同校定穆天。今直云瓚曰。子傳。卽當西晉之朝。在于之前。尙見茂陵等書。又稱臣者。以其職典祕書故也。瓚音殘。岸反。

又都無姓名者。但云漢書音義。正音義中。有全無姓名者。裴氏注史記直云。漢書音義。按大顏以也。時見微意。有所裨補。正音義見反。神音卑。又音類移反。裨益。譬。嘒星之繼朝陽。詩云。嘒彼小星。三五在東。言衆無名。微小之星。各隨三心。五曜出在東方。亦能繼朝陽。飛塵之集華嶽。正音義西嶽華山極高。之光。嘒音火。羣反。朝陽日也。嘒星繼朝陽。喻已淺薄而註史記也。飛塵之集華嶽。正音義大裴氏自喻材藻輕小。如飛塵之集華岳。亦能成其高大。管子云。海不辭水。故以徐爲本。正音義徐廣音義辨諸家號曰集解。未能成其大山。不辭土。故能成其高華音。故化反。又如字。以徐爲本。正音義徐廣音義辨諸家號曰集解。未詳則闕。弗敢臆說。正音義有未詳審之處。則闕而弗論。人心不同。正音義言人心既不同。見異辭。正音義耳聞目各異也。班氏所謂疏略抵牾者。依違不悉辯也。按周公世家敘傳曰。依違不復更辯明之也。愧非胥臣之多聞。正音義晉大夫曰。季名曰胥臣。按國語稱晉文公使趙衰爲卿。辭曰。樂枝貞慎。先軫有謀。子產之博物。說飲食哀樂。及內官不及同姓。及則能生疾。晉侯聞子產之言曰。博物君子也。乃妄言末學。蕪穢舊史。豈足以關諸畜德。庶賢無所用心而已。正音義關預於積學多識之士乎。正是冀望聖賢。勝於飽食終日無所用心。愈於論語不有博。奔者乎之人耳。

史記序考證

史記集解序裴駰○臣照按監本此序列於第四。先索隱序。次索隱後序。次補史記序。然後刊列此篇。此篇之後。則刊張守節論史例論注例論字例論音例發字例論發解七篇。又不刊張守節正義序。紛然淆亂。絕無義例。今依時代次第。定此篇爲第一。索隱序第二。索隱後序第三。正義序第四。終焉。其補史記序則司馬貞自敘。其補三皇本紀。作述贊。改定篇目等事也。今既不用其篇第。則無庸弁諸簡端。與張守節論史例論法解諸篇。並移置末卷之後。

又索隱○臣照按司馬貞索隱。張守節正義。皆書名。猶裴駰之有集解也。監本於索隱正義。則稱索隱曰正義。曰於集解。則不載書名。直稱徐廣曰如淳曰之類。遂使曰字相混。而且集解之文。混入索隱。索隱之文。混入正義。又正義之文。十缺四五。顛倒錯亂。不可枚舉。今集解索隱正義。並依十三經例。刻陰文字。刪去曰字。補刻闕文。不下千百條。而正義十居其九。不能逐條詳載考證內。顧正義無古刻原本可據。各本彼此多寡不同。今校定刊刻之後。時或又得數條。其不可少者。重鈔添入。其無關緊要者。仍從割棄。蓋卽更數年搜羅。終不能信爲正義全本也。但校之明代監本。稍爲詳備焉。

又妄言末學○末監本訛作未。今改正。臣照按明監本訛字甚多。而小註尤甚。今改正者以萬計。惟大字本文訛者則著之。小註不能詳也。其無別本可考。明知其訛。不敢臆改者。則著其說以存疑。

索隱序雖粗見微意而未窮討論。○討監本訛作計今改正。

又殘文錯節異旨微義。○旨監本訛作音今改正。

索隱後序或得之於名山壞宅。○壞監本訛作壤今改正。

又遂作音義十三卷音乃周備。○乃監本訛作及今改正。

又乃自惟曰千載古史良難紬繹於是更撰音義重作述贊。○監本訛作乃自唯曰千載古良史難更然。
因退撰音義重作贊述今改正。

史記正義序

諸王侍讀宣議郎守右清道率府長史張守節上

史記者漢太史公司馬遷作遷生龍門耕牧河山之陽南遊江淮講學齊魯之郡紹太史繼春秋括文魯史而包左氏國語采世本戰國策而摭楚漢春秋貫紬經傳旁搜史子上起軒轅下暨天漢作十二本紀帝王興廢悉詳三十世家君國存亡畢著八書贊陰陽禮樂十表定代系年封七十列傳忠臣孝子之誠備矣筆削冠於史籍題目足以經邦裴駰服其善序事理辯而不華質而不俚其文直其事核不虛美不隱惡故謂之實錄自劉向揚雄皆稱良史之才况墳典湮滅簡冊闕遺比之春秋言辭古質方之兩漢文省理幽守節涉學三十餘年六籍九流地里蒼雅銳心觀採評史漢詮衆訓釋而作正義郡國城邑委曲申明古典幽微竊探其美索理允愜次舊書之旨兼音解注引致旁通凡成三十卷名曰史記正義發揮膏肓之辭思濟滄溟之海未敢侔諸秘府冀訓詁而齊流庶貽厥子孫世疇茲史于時歲次丙子開元二十四年八月殺青斯竟

史記索引序

朝散大夫國子博士弘文館學士河內司馬貞

史記者，漢太史司馬遷父子之所述也。遷自以承五百之運，繼春秋而纂是史，其褒貶覈實，頗亞於丘明之書。於是上始軒轅，下訖天漢，作十二本紀，十表，八書，三十系家，七十列傳，凡一百三十篇，始變左氏之體，而年載悠邈，簡冊闕遺，勒成一家，其勤至矣。又其屬稿先據左氏國語系本，戰國策、楚漢春秋及諸子百家之書，而後貫穿經傳，馳騁古今，錯綜彙括，各使成一國一家之事，故其意難究詳矣。比於班書，微爲古質，故漢晉名賢未知見重，所以魏文侯聽古樂則唯恐臥，良有以也。逮室晉末，有中散大夫東莞徐廣始考異，同作音義十三卷。宋外兵參軍裴駰又取經傳訓釋作集解，合爲八十卷，雖粗見微意，而未窮討論。南齊輕車錄事鄒誕生亦作音義三卷，音則微殊，義乃更略爾。後其學中廢，貞觀中，諫議大夫崇賢館學士劉伯莊達學宏才，鈎深探賾，又作音義二十卷，比於徐鄒，音則具矣，殘文錯節，異旨微義，雖知獨善，不見傍通，欲使後人從何準的，貞諛聞陋識，頗事鑽研，而家傳是書，不敢失墜，初欲改更舛錯，裨補疎遺，義有未通，兼重註述，然以此書殘缺雖多，實爲古史，忽加穿鑿，難允物情，今止探求異聞，採摭典故，解其所未解，申其所未申者，釋文演註，又爲述贊，凡三十卷，號曰史記索隱，雖未敢藏之書府，亦欲以貽厥孫謀云。

史記索引後序

夫太史公記事，上始軒轅，下訖天漢，雖博采古文及傳記諸子，其間殘缺蓋多，或訪搜異聞，以成其說，然其人好奇，而詞省故事，覈而文微，是以後之學者，多所未究。其班氏之書，成於後漢，彪既依遷而述，所以條流更明，且又兼采衆賢，羣理畢備，故其旨富，其詞文，是以近代諸儒，共所鑽仰，其訓詁蓋亦多門。蔡謨集解之時，已有二十四家之說，所以於文無所滯，於理無所遺，而太史公之書，既上序軒黃，中述戰國，或得之於名山墳宅，或取之以舊俗風謠，故其殘文斷句，難究詳矣。然古今爲註解者絕省，音義亦希，始後漢延篤乃有音義一卷，又別有音隱五卷，不記作者何人。近代鮮有二家之本，宋中散大夫徐廣作音義一十卷，唯記諸本異同，於義少有解釋，又中兵郎裴駰，亦名家之子也，作集解註本，合爲八十卷，見行於代，仍云亦有音義，前代久已散亡。南齊輕車錄事鄒誕生，亦撰音義三卷，音則尙奇，義則罕說。隋祕書監柳顧言尤善此史，劉伯莊云：「其先人曾從彼公受業，或音解隨而紀錄，凡三十卷。」隋季喪亂，遂失此書。伯莊以貞觀之初，奉勅於弘文館講授，遂采鄒徐二說，兼記憶柳公音旨，遂作音義三十卷，音乃周備，義則更略，惜哉！故史微文，遂由數賢秘寶，故其學殆絕。前朝吏部侍郎許子儒，亦作註義，不覩其書。崇文館學士張嘉會，獨善此書，而無註義，貞少從張學，晚更研尋，初以殘缺處多，兼鄙褚少孫誣謬，因憤發而處史記，遂兼註之，然其功殆半，乃自唯曰：「千載古史，良難紬繹，於是更撰音義，重作贊述，蓋欲以剖盤根之錯節，導北轅於司南也。」凡爲三十卷，號曰史記索隱云。

史記正義論例證法解列國分野

唐諸王侍讀率府長史張守節上

論史例

古者帝王右史記言左史記事言爲尙書事爲春秋太史公兼之故名曰史記并採六家雜說以成一史備論君臣父子夫妻長幼之序天地山川國邑名號殊俗物類之品也太史公作史記起黃帝高陽高辛唐堯虞舜夏殷周秦訖于漢武帝天漢四年合二千四百一十三年作本紀十二象歲十二月也作表十象大之剛柔十日以記封建世代終始也作書八象一歲八節以記天地日月山川禮樂也作世家三十象一月三十日三十幅共一轂以記世祿之家輔弼股肱之臣忠孝得失也作列傳七十象一行七十二日言七十者舉全數也餘二日象閏餘也以託王侯將相英賢略立功名於天下可序列也合百三十篇象一歲十二月及閏餘也而太史公作此五品廢一不可以統理天地勸獎箴誡爲後之楷模也

論注例

史記文與古文尙書同者則取孔安國注若與伏生尙書同者則用鄭玄王肅馬融所釋與三傳同者取杜元凱服虔何休賈逵范寧等注與三禮論語孝經同者則取鄭玄馬融王肅之注與韓詩同者則取毛傳鄭箋等釋與周易同者則依王氏之注與諸子諸史雜書及先儒解釋善者而裴駟並引爲注又徐中

散作音訓校集諸本異同。或義理可通者。稱一本云。又一本云。自是別記異文。裴氏亦引之爲注也。

論字例

史漢文字相承已久。若悅字作說。閑字作間。智字作知。汝字作女。早字作蚤。後字作后。旣字作漑。勑字作飭。制字作制。此之般流。緣古少字通共用之。史漢本有此古字者。乃爲好本。程邈變篆爲隸。楷則有常。後代作文。隨時改易。衛宏官書數體。呂忱或字多奇。鍾王等家。以能爲法。致令楷文改變。非復一端。咸著祕書。傳之歷代。又字體乖日久。其黼黻之字。法從黼。丁履反。今之史本則有從端。音端。秦本紀云。天子賜孝公黼黻。鄒誕生音甫弗。而鄒氏之前史。本已從端矣。如此之類。並卽依行。不可更改。若其鼃鼃從龜。辭從舌。覺學從與。泰恭從小。匱匠從走。巢籩從果。耕籍從禾。席下爲帶。𦐇下爲大。裏下爲衣。極下爲點。析傍著片。惡上安西。餐側出頭。離邊作禹。此之等類例。直是訛字。寵。勑勇反。錫爲錫。音錫。以支。章侈反。代文。問分反。將无混無。若茲之流。便成兩失。

論音例

史文與傳。諸書同者。劉氏並依舊本爲音。至如太史公改五帝本記。便章百姓。便程東作。便程南譌。便程西成。便在伏物。咸依見字讀之。太史變尙書文者。義理特美。或訓意改其古澀。何煩如劉氏依尙書舊音。斯例蓋多。不可具錄。著在正義。隨文音之。君子宜詳其理。庶明太史公之達學也。然則先儒音字比方爲音。至魏祕書孫炎始作反音。又未甚切。今並依孫反音以傳後學。鄭康成云。其始書之也。倉卒無字。或以

音類比方假借爲之。趣於近之而已。受之者非一邦之人。其鄉同言異字。同音異於茲。遂生輕重訛謬矣。然方言差別。固自不同。河北江南。取爲鉅異。或失在浮清。或帶於重濁。今之取捨。冀除茲弊。夫實有精麤。謂之好惡。字如心有愛情。稱爲好惡。聲並去。當體則爲名譽。音預。情乖則曰毀譽。音餘。自壞。音怪。壞徹。音怪。自斷。徒緩反。自刀。斷端管反。以刀耶也。奢反。未也。句之語也。復富反。重也。過古臥反。解核反。間紀反。畜許反。去離也。先蘇前仙屑然尤羽求侯胡濤治持並音直之止而脂砥祇夷音旨惟維遺唯並音以怡貽反。畜養也。先蘇前仙屑然尤羽求侯胡濤治持並音直之止而脂砥祇夷音旨惟維遺唯並音以怡貽反。願詒並音與夷寅彝姨脂反。私息脂綏雖雖菱遺反。偲司伺絲並音巨危枝祇肢並音章祇歧並音支。其期旗綦蹠之反。祈順旂幾幾希反。僖熙嬉嘻其反。希晞晞稀並音虛霏妃菲駢非並音芳飛非反。扉並音匪尸屍奢脂反。詩書之巾居人斤筋舉欣篇偏並音芳穿詳連里李裏止並音良至替並音脂志之吏利洩並音力吏力置寺嗣餉並音辭字悖並音侯自疾二置致躓驚利反。器去冀氣去既亟去吏反。冀概几利既反。覆敷救反。又副反。數富鏡並音府若斯清濁實亦難分。博學碩材。乃有甄異。此例極廣。不可具言。庶後學士幸留意焉。

音字例

文或相似。音或有異。一字單錄。乃恐致疑。兩字連文。檢尋稍易。若音上字。言上別之所音下字。乃復書下。有長句在文中。須音則題其字。

發字例

民無能名曰神。一不善名。

靖民則法曰皇。靖安。

德象天地曰帝。同於天帝。

仁義所往曰王。民往歸之。

立志及衆曰公。志無私也。

執應八方曰侯。所執行八方應之。

賞慶刑威曰君。能行四者。

從之成羣曰君。民從之。

揚善賦簡曰聖。所得人。所善得實。所賦得簡。

敬賓厚禮曰聖。禮厚於。

照臨四方曰明。以明照之。

譖訴不行曰明。逆不知行之。

經緯天地曰文。成其道。

道德博聞曰文。無不知。

學勤好問曰文。不恥下問。

一德不懈曰簡。一不委曲。

平易不訾曰簡。訾毀。

尊賢貴義曰恭。尊事賢人。龍貴義士。

敬事供上曰恭。供奉也。

尊賢敬讓曰恭。敬有德。讓有功。

既過能改曰恭。言自。

執事堅固曰恭。守不移。

愛民長弟曰恭。順長接弟。

執禮御賓曰恭。賓也。

莠親之闕曰恭。修德以益之。

尊賢讓善曰恭。不專己。善推於人。

威儀悉備曰欽。威則可畏。儀則可畏。

大慮靜民曰定。思樹惠。

純行不爽曰定。行一不傷。

安民大慮曰定。以慮安民。